



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Articulus VI. Quid debeat restituī pro fama & bonis spiritualibus, ut inductione ad peccatum, avocatione à Religione.

urn:nbn:de:hbz:466:1-42561

nostris partibus (Dilingæ in Germania) stare debent tribus diebus Dominicis, vel festis, quando est concursus populi, ante fores Ecclesiæ cum accensa candela : alibi cum lodice sub cathedra concionataria ; alibi per urbem publicè deducuntur à ministris justitiæ cum vase ligneo humeris injecto instar thoracis, capite per foramen superius eminente, vocant, *Spanischer mantel*, vel *hæltzen Wammes*.

ARTICULUS VI.

*Quid debeat restitui pro fama & bonis spiritu-
libus, ut inductione ad peccatum, avoca-
tione à Religione.*

342 " Resp. I. Juxta dicta, si restitui non possunt
" bona ablata ex bonis ejusdem ordinis, non est
" obligatio faciendi ex bonis diversi ordinis : Un-
" de resolves,

" I. Pro fama, restituenda est fama: cùm id non
" potes, non teneris ad pecuniam, & bona fortu-
" næ, nisi per sententiam à judice cogaris sic satis-
" facere. Eadem est ratio de reliquis. Quòd si ta-
" men lædendo famam, in bonis etiam fortunæ
" alteri damnum allatum esset, constat ex suprà
" dictis, quid faciendum sit. Porrò de læsione fa-
" mæ, &c. vid. infrà.

" II. Si quis alterum induxit ad peccatum sua-
" sione vel exemplo suo, tenetur quidem ex cha-
" ritate, quoad potest, eum revocare ad melio-
" rem statum; sed non ex justitia. *Lef. l. 2. c. 8. n.*
" 10. *Lay. l. 3. tr. 2. c. 8. n. 1.*

III.

III. Si quis autem induxit fraude, dolo, injus-²²
sto metu, &c. tenetur ad id ex justitia: quia quis-²²
que habet jus, ne injustè lædatur, in bonis spiri-²²
tualibus: Unde si lædatur, debet id spirituale²²
restitui, si potest. *Ibid.*

IV. Si quis aliquem (etiam Novitium) abdu-²²
xit ab ingressu Religionis, tamen sine vi & frau-²²
de, et si graviter peccârit id irrationaliter fa-²²
ciendo, ac proinde teneatur ei rursus suadere²²
ingressum ex charitate; non tamen ex justitia,²²
vel illi, vel Religioni tenetur, quæ nullum ad²²
huc in eum jus acquisivit: *Vid. Lay. n. 2.*

V. Si quis religiosum ad apostasiam induxe-²²
rit suasione, aliâve cooperatione, obligatur ex²²
justitia Religioni ad restitutionem, non quidem²²
ut ipse (quod aliqui volunt) loco alterius in-²²
grediatur; sed ut suadeat alteri, quoad potest,²²
reditum, & compenset Monasterio commoda,²²
quæ ex hæreditate, bonis vel industria alterius²²
expectabantur.

VI. Si quis veneno, phyltro aliove modo ali-²²
cui destruxit memoriam, rationem, &c. tenetur²²
eodem modo, quo mutilator aut vulnerans, de-²²
quo suprà, ad restitutionem lucri cessantis, &²²
damni inde secuti in bonis fortunæ.

A D D E N D A.

Q. 66. *Quanta sit injuria & quæ obligatio illius,* 343
qui alium inducit ad peccatum. R. §. 1. Si quis vi vel
fraude inducat alterum ad mortale, est injuria
gravis, quia causantur gravissima damna, nem-
pe privatio gratiæ, vel novum debitum & au-
gmentum pœnæ æternæ, ac etiam major diffi-
cultas resurgendi, quò enim magis augentur

mortalia, eò plures, per se loquendo, subtrahuntur gratiæ actuales, magisque crescunt habitus mali, obduratio vel cæcitas mentis: è contraria si quis etiam vi vel fraude inducat ad veniale, ordinariè est injuria tantum levis, uti dictum est I. 2. à n. 232. An autem sit injuria, si quis solo exemplo inducat alterum ad peccatum, videri possunt dicta p. 1. n. 1009.

344 §. 2. Qui alterum vi vel fraude induxit ad peccatum, tenetur ex justitia, quantum potest, removere damna inde nata oriri, uti satis constat ex dictis, habentque AA cum Busenb: supradictis etiam ex justitia tenetur removere causas ulterioris lapsus: probabile tamen est non teneri ex justitia ulterius efficere, ut alter convertatur, quia sicuti qui ligavit Cajum, & sic impeditum, quominus iret ad templum, satisfacit, si solvit, nec tenetur orare aut efficere, ut eat ad templum, ita & hic; cum enim cesset vis & fraus, & alter sciat se deceptum, potest, si velit, ipsemet se à peccato expedire, sicque censetur alteri remittere obligationem ad se convertendum, & si se ipsem non convertat, ipsi imputabitur, ita Sanch. in Conf. I. 1. c. 3. d. 1. n. 5. contra alios multos, qui etiam valde probabiliter dicunt teneri inducere ad bonum, ut damnum pravæ dispositionis injustè causatum reparet. Addit Steph. t. 4. d. 5. n. 33.; si alter adverterit fraudem, deceptorem non teneri ex justitia ulterius aliquid facere, quia si tum pergit peccare, non imputabitur decipientis fraudi vel decepti errori, sed malitiæ: talis tamen deceptor secundum Nav. & alios ex charitate tenebitur inducere ad pœnitentiam, sed sub veniali tantum.

Q. 67.

Q. 67. Quid addendum sit circa illum, qui al- 345
terum abstraxit à religioso statu. R. Seqq. §. 1. Qui
solo consilio absque vi vel fraude aliquem à No-
viciatu detinet vel abducit, proponendo hono-
res, divitias, delectationes honestas in sæculo, &
oppositam in Religione vilitatem, pauperiem,
molestias &c. secundùm *Fill. Castrop. & Burgh:*
cent. 3. cas. 80. non peccat mortaliter, nequidem
contra charitatēm, nec sub mortali tenetur,
quantum potest, reducere: idemque, per se lo-
quendo, dici vult *Suar.* t. 3. de Relig. l. 5. c. 9. n.
9., quamvis per preces & promissiones fieret, ibi
enim abest injuria, cum absit vis & fraus; nec est
inductio ad malum, uti patet, cum vivere in sæ-
culo non sit illicitum, & Religio sit tantum con-
silio; nec est aversio à summo bono, sed tan-
tum abstractio à bono ad salutem non neces-
sario, uti etiam esset, si aliquē abstraheres à Bene-
ficio vel etiam à statu Ecclesiastico: & licet alter
sic abstractus, fortè postea patiatur grave dam-
num, id per accidens est, & patitur voluntariè,
quia liberè consensit. Alii cum *Mol.* t. 4. d. 5. n.
2. probabiliter docent eum, qui absque rationa-
bili causa alterum abducit à Religione, peccare
mortaliter, quia retrahere à tanto bono videtur
esse grave malū, ideoq;, qui retraxit, secundùm
ipos, tenebitur ex charitate iterum suadere con-
trarium; & hanc sententiam sequitur *Busenb.* su-
prā, unde *Suar.* & *Leff.* de statu vitæ diligendo q.
8. fatentur peccatum mortaliter, si importunè
& sine justa causa ageret, ut Religionem non ad-
iret vel desereret, præsertim si faceret contra
vocationem Dei moraliter certam, homo enim
sic exponitur magnis periculis salutis amittendæ

P 2

estque

estque gravius sic alterum inducere ad positivè resistendum consiliis & inspirationibus divinis, quām illas in se agnitas reipsa non sequi.

346 §. 2. Causæ rationabiles dissuadendi ingressum in Religionem, secundūm Mol. suprà sunt sequentes, 1. Si status ille sit ingredienti futurus noxious: 2. Si in illa Religione vel Monasterio disolutè vivatur: 3. Si complexio volentis ingredi fit tali instituto inepta. 4. Si mores ejus sint ita pervicaces, ut ipsi vel Religioni meritò timeantur majora mala: 5. Si laboret aliquo impedimento, v. g. ære alieno, promissione Matrimonii, infirmitate corporis &c. 6. Si parentes graver egeant ejus auxilio. 7. Licitum etiam est parentibus, si prudenter dubitent de viribus vel constantia, ad tempus differre ingressum & probare proles suas; peccant autem gravissimè, si exponant periculis peccandi, allicant aut faciant allici ad voluptates aliave illicita, ut sic à proposito avocent. In dubio autem, an causa dissuadendi aut impediendi sit justa necne, standum est pro Religione, quæ securior est & perfectior, Mol. suprà.

347 §. 3. Qui per vim, fraudem vel metum gravem aliquem à Religione impedit vel abstrahit, peccat graviter contra justitiam, est communis cum *Leff.* & *Burgh.* suprà, *Dicat.* t. 2. d. 7. dub. 7. *Steph.* t. 4. d. 5. n. 33. & 35. Probatur, quia per *Trid.* ses. 24. c. 18. de Regular. excommunicatur, qui puellam à Religione impedit, est autem æquè grave impedire juvenem. Quod autem sit contra justitiam, etiam probatur, quia quisque habet jus, ne tali modo impediatur à consecutione bonitanti, secundūm dicta n. 69. Putant quidem *Nav.*

Nav. & alii, si ille, qui ita abstraxit aliquem, posset alium in ejus locum adducere ad eandem Religionem, ad hoc teneri, quia sic videtur compensari damnum, sed *Sanch.* in *Conf. l. i. c. 3. d. 2.* *Lugo* d. 9. n. 30. aliique probabilius id negant, quia haec non sunt media ordinata ad restitutio- nem; imò qui occidisset Religiosum, nunquam condemnaretur ad alium inducendum ad tale Monasterium, ergo signum est non deberi ejusmodi restitutionem: tenetur tamen reparare da- mna, quæ alter sic abstractus ideo patitur, adeo- que, inter cætera, etiam tenetur procurare, ut iterum admittatur, si fieri possit, uti cum aliis docent *Sanch.* n. 7. & *Lugo* n. 28. Quòd si post pro- fessionem vel vota emissa abduceret, teneretur etiam Monasterio compensare omnia damna temporalia & lucra cessantia, secundum spem & judicium prudentum, uti omnes notant cum *Lugo* n. 40.; neque potest abductus hanc obliga- tionem remittere abducenti, quia jus Monaste- rii ipsius immediatè lœsum est, abductus enim per votum paupertatis omnia jura sua transfule- rat in Monasterium, *Sanch.* n. 17. *Lugo* n. 52. Et idem cum multis aliis dicunt *Leff.* & *Lugo* n. 39. esse probabile de eo, qui vi vel fraude retraheret à Noviciatu, vel extraheret aliquem, quia Mo- nasterium habebat jus, ne sic impediretur à con- secutione boni, ergo erit obligatio huic com- pensandi ea, quæ obvenissent & erant per se con- necta cum ingressu vel secutura professione illius; multò magis ea, quæ jam in animo suo desti- narat dare vel promiserat conferre: *Sanch.* tamen n. 22. putat etiam probabile, quòd damna illa

P 3

non

non teneatur resarcire , quia Monasterium non habebat jus ad ea , nisi mediante professione abducti , hic autem necdum professus erat , & ei valde contingens nolle profiteri , adeoque etiam valde remotum erat hoc damnum & nimis præter intentionem abducentis.

348

§. 4. Qui ita aliquem abduxit per vim vel fraudem , secundum *Suar.* de Relig. t. 3. l. 5. c. n. 10. *Vasq. Less.* non tenetur saltem ea damnum compensare , quæ sequuntur post sublatam vim & fraudem , quia tota injuria consistebat in vi vel fraude , ergo his sublatis damnum imputari debet , non abducenti sed abducto : quod verum est , inquit *Lugo* n. 49. , si revera tollatur notwithstanding vis & fraus , sed etiam eorum efficacive causalitas , quod in praxi vix erit , nam vel fraus præterita causavit talem statum in abducto , in quo tepidior fit , capitur voluntatibus aut timet pœnitentiam , si redeat , aut saltem habet majorem difficultatem se dandi vel reddendi Religioni , ergo vis vel fraus manet causa domini etiam sequentis ; unde sicuti revocans consilium , quo ostenderat motivum utile , ut fieri damnum , quamdiu movet hæc utilitas , manet obligatio restituendi , secundum dicta n. 28. , in & hinc.

349

§. 5. Qui professum vel votis adstrictum sibi aut fraude abducit , secundum *Mol. Vass. Turr.* & alios adhuc tenetur Monasterio compensare damna temporalia inde secuta , quia Religio jam possidebat Religiosum , ergo si eo spoliatur , fit injuria : probabilius tamen id negant *Less. Sanch. Tann. Lugo* n. 41. *Ills. t. 4. d. 3. n. 59.*
quia

quia Religio tantum habebat jus Jurisdictionis non autem proprietatis in ipsum : deinde quia causa principalis , qualis hic est ipse professus , non peccat contra justitiam , ergo nec consulens , qui tantum est causa secundaria . Si dicas cum Mol. professum etiam non peccare contra justitiam , licet ego vivel fraude induxero , ut Religionem deserat , & tamen ego pecco contra justitiam ; Contrà est , nam tum pecco contra justitiam , quia ego tanquam causa principalis violo aliud jus , quod habet professus , ne ita abducatur ; & Monasterium , ne per vim vel fraudem impeditur à consecutione sui emolumenti , tale autem jus non violat , nec professus abiens , necego sine vi vel fraude consulens .

§. 6. Obligatio restituendi pro abductione à Religione frequenter cessat vel ex toto vel saltem ex parte , quando defectus illius Religiosi abducti facilè suppletur per alium æquè aptum & utilem , tum enim re ipsa non sequitur damnum , ita Vasq. Less. Lugo n. 52.

Q. 68. Quid dicendum de illo , qui alterum falsa docuit . R. §. 1. Non censetur gravis injuria alterum etiam per fraudem inducere in errorem intellectualem merè speculativum , quia tale documentum communiter non æstimatur : Excipiunt Sanch. in Conf. l. 1. c. 3. d. 4. à n. 10. Lugo d. 9. n. 4. Petsch. p. 241. , nisi esset circa materiam notabilem aut Principium universale causativum multorum errorum , tum enim censetur quid grave in bonis intellectus : addunt graviter peccatum Professorem , qui scienter & passim doceret falsa : quid autem censendum

fit, si doceat minùs probabilia, dicetur l. 4.
1545.

352 §. 2. Si error fit practicus, id est, inducet aliquod aliud malum præter errorem ipsum, erit injuria gravis vel levis, prout inducit alterum ad malum grave vel leve, uti rectè *Lugo* n. 2., & tum sequetur obligatio gravis aut levis mala illa avertendi aut compensandi damna, uti patet et hactenus dictis.

353 §. 3. Si Confessarius, Medicus, Advocatus, Professor inculpatè consuluit malum vel docuit falsum, ex quo damnum sequitur, secundum *Arrag.* & *Salon.* compertâ veritate, etiam postquam dimiserit tale officium, tenebitur ex justitia corrigere errorem, & si negligat, compensare damna, quia tacendo esset causa efficax damni: *Nav.* *Cajet.* *Sanch.* dub. 5:n. 2. dicunt tene ri tantum ex Charitate, nam non obligat eum justitia ratione rei acceptæ, uti patet; nec ratione injustæ acceptio seu actionis, quia actio positiva, quâ malum consuluit vel falsum docuit, non fuit formaliter injusta, actio autem negativa, quâ postea docet, etiam non videtur esse contra justitiam, secundum dicta n. 41., quia jam ex officio vel contractu non tenetur loqui, cum officium & contractus celiarint, unde sicuti si à fure dono accepisset vas aureum & donasset alteri, postea resciens fuisse furtivum, non tenerer ex justitia id domino dicere, ita nec hic: *Lugo* d. 8. n. 95. videtur tenere potius pro prima sententia, quia quisque, si commodè possit, tenetur ex justitia procurare, ne ex sua operatione lœdantur positivè jura aliorum, sicuti

sicuti si invincibiliter dedissem testimonium falsum cum damno aut infamia alterius, ex justitia tenerer revocare, si possem absque gravi incommodo; Item si è manu mea casu ceciderit ignis in fœnum alienum, ex iustitia teneor extinguere, uti pluribus dedit idem Lugo d. 39. à n. 24. Et hæc sententia videtur probabilior.

§. 4. Si quis sine vi vel fraude, attamen ex 354 negligentia vel ignorantia graviter culpabili docuerit falsum, unde secutum sit damnum alteri, si ille malè instructus abductus est à dando, quod ex iustitia dare debebat, v. g. persuasus est, ne restitueret, ad quod tamen ex iustitia tenebatur, qui sic malè instruxit, tenetur ex iustitia compensare clamnum illud creditori defraudato, uti habet communis & satis certa sententia; si autem ille malè instructus non debebat ex iustitia, sed tantum ex charitate, v. g. in eleemosynam erat daturus, Silvest. dicit adhuc temeri restituere, quia damnum sequitur ex culpa malè docentis, qui ex iustitia vel contractu tenebatur bene docere Sanch. dub. 6. n. 3. negat teneri restituere, quia respectu pauperis non fecit injuriam, quamvis fecerit respectu malè instructi, quem obligabatur bene docere: Lugo n. 96. tenet cum Silv. ex hac ratione, quia qui agit ex negligentia graviter culpabili, plenè advertit periculum committendi fraudem & causandi damnum, nec tamen sufficienter cavet, ergo committit fraudem & culpabiliter causat damnum, quia peccatum commissum ex culpabili negligentia est eiusdem speciei cum peccato scienter commisso: nihilominus responderi potest pro Sanch. id tantum verum

P 3

esse

esse respectu malè instructi, non autem respectu alterius, cui, malè docendo, non facit injuriam.

De restitutione pro iniuria facta per suspicioneum aut indicium temerarium, per detractiōnem aut contumeliam, dicetur postea à n. 1238.

D V B I V M VII.

De circumstantiis restitutionis.

355 Circumstantiæ restitutionis continentur his versibus,

*Quis, cui restituet, quid, quantum, quomodo,
quando,
Ordine, quove loco; quæ causa excuset iniquum.*

De circumstantiis, quis, cui, quid, quantum, jam dictum est: restat agendum de reliquis.

A R T I C U L U S I.

Quo tempore, loco & modo debeat fieri restitutio.

» Resp. Debet quamprimum, & eo modo ac
» loco restituī, quo ius & interesse damnificati
» requirit, & commodè ac moraliter fieri potest;
» sine gravi incommodo, quod quis pateretur in
» re sua propria, ultra debitum. *V. Lay. l. 3. tract. 2.
cap. 10. Fil. t. 32. c. 4. q. 11. Unde resolvet,*
» I. Qui non potest commodè restituere aperte,
» faciat clam; & qui non potest per se, faciat per
» aliam